

मंगसीर की नवमी आई

मंगसीर की नवमी आई, खुशियाँ ही खुशियाँ छाई,
बांटा जी बांटा म्हेँ बधावणा,
ओ दादी, बांटा जी बांटा म्हेँ बधावणा,
मनड़ो म्हारो मुस्कावै,
हिवड़ो म्हारो हरसावै,
बांटा जी बांटा म्हेँ बधावणा,
ओ दादी, बांटा जी बांटा म्हेँ बधावणा....

सोणो सोणो सो मुखड़ो, चमचम चमके है हो,
चमचम चमके है,
लाल सुरंगी मेहंदी, दमदम दमके है हो,
दमदम दमके है,
हीरे को हार गढ़ास्यां, गजरो थाणे पहरस्यां,
पीढ़े पे बैठयो म्हारे आंगणा,
ओ दादी, पीढ़े पे बैठयो म्हारे आंगणा,
मंगसीर की नवमी आई,
खुशियाँ ही खुशियाँ छाई,
बांटा जी बांटा म्हेँ बधावणा.....

स्वर्ण सिंहासन बैठी, दादी मुस्कावे हो,
दादी मुस्कावे,
लाखों भगत दादी के, धोक लगावे हो,
धोक लगावे,

मोती माणक है सोवे, हीरे की नथली सोवे
हाथां में कंगण मनभावणा,
ओ दादी, हाथां में कंगण मनभावणा,
मंगसीर की नवमी आई,
खुशियाँ ही खुशियाँ छाई,
बांटा जी बांटा म्हेँ बधावणा.....

हिलमिल म्हेँ बैठयाँ दादी, ज्योत जगास्याँ हो,
ज्योत जगास्याँ,
लाडू बुंदिया को दादी, भोग लगास्याँ हो,
भोग लगास्याँ,
लाड लडास्याँ म्हेँ तो, हिंडो हिंडास्याँ म्हेँ तो,
गास्याँ जी गास्याँ म्हेँ बधावणा,
ओ दादी, गास्याँ जी गास्याँ म्हेँ बधावणा,
मंगसीर की नवमी आई
खुशियाँ ही खुशियाँ छाई
बांटा जी बांटा म्हेँ बधावणा.....

झिलमिल तारां री दादी, चुनड़ी म्हेँ ल्याया, हो
चुनड़ी म्हेँ ल्याया,
लंपी लुम्पा से दादी, घणी सजाया, हो
घणी सजाया,
रेशम को पोत मंगास्याँ, रुच रुच थाणे ओढास्यां
चाकर "मधु" बांटे बधावणा
ओ दादी, चाकर मधु बांटे बधावणा
मंगसीर की नवमी आई
खुशियाँ ही खुशियाँ छाई
बांटा जी बांटा म्हेँ बधावणा
ओ दादी, बांटा जी बांटा म्हेँ बधावणा.....



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>